



Navoiy sh. Islom Karimov 77 A

“30” Ноябрь 2017 у.(г)

г. Навои пр. Ислама Каримова 77 А

№ К-415

Ўзбекистон Республикаси Президентининг 2017 йил 28 ноябрдаги “Маҳаллий ижроия ҳокимияти органларининг инвестицияларни кенг жалб қилиш ва инновацияларни жорий этиш борасидаги фаолиятини такомиллаштириш тўғрисида”ги ПҚ-3407-сон қарорининг ижросини таъминлаш ҳақида

Ўзбекистон Республикаси Президентининг 2017 йил 7 февралдаги “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги ПФ-4947-сон Фармонида белгиланган устувор вазифалар ижросини таъминлаш, ҳудудларни ижтимоий-иқтисодий ривожлантириш, ҳудудлар иқтисодиётига инвестицияларни кенг жалб қилиш ва инновацияларни жорий этиш, эркин иқтисодий ва кичик саноат зоналари фаолиятини самарали ташкил этиш ва туризмни ривожлантириш, маҳаллий ижроия ҳокимияти органлари фаолиятининг самарадорлигини ошириш, ташкилий тузилмасини янада такомиллаштириш ва мустаҳкамлаш мақсадида,

ҚАРОР ҚИЛАМАН:

1. Ўзбекистон Республикаси Президентининг 2017 йил 28 ноябрдаги “Маҳаллий ижроия ҳокимияти органларининг инвестицияларни кенг жалб қилиш ва инновацияларни жорий этиш борасидаги фаолиятини такомиллаштириш тўғрисида”ги ПҚ-3407-сон қарори ижро учун қабул қилинсин.

2. Ўзбекистон Республикаси Президентининг мазкур қарори билан:

Навоий вилояти ҳокимининг инвестициялар, инновациялар, хусусийлаштирилган корхоналарга кўмаклашиш, эркин иқтисодий ва кичик саноат зоналари ҳамда туризмни ривожлантириш масалалари бўйича ўринбосари;

туманлар ва шаҳарлар ҳокимларининг инвестициялар, инновациялар, хусусийлаштирилган корхоналарга кўмаклашиш ва кичик саноат зоналари ҳамда туризмни ривожлантириш масалалари бўйича ўринбосари лавозимлари жорий этилганлиги маълумот учун қабул қилинсин.

3. Вилоят ҳокимлиги ташкилий-назорат гуруҳи (Р.Хайдаров) шаҳар, туман ҳокимлари билан биргаликда бир ҳафта муддатда вилоят, шаҳар ва туманлар ҳокимларининг янги жорий этилаётган вилоят ҳокими ўринбосари ҳамда шаҳар ва туман ҳокимларининг ўринбосарлари лавозимига чуқур махсус билимларга, юқори касбий маҳоратга эга бўлган, тажрибали ва малакали кадрлар билан тўлдириш юзасидан таклиф киритсин.

4. Вилоят ҳокимининг ўринбосарлари (У.Раззоқов, К.Расулов, С.Истамов, Ф.Солиев, Ғ.Мусурманов, Н.Содиқова), гуруҳ раҳбарлари ва котибият мудирлари ўн беш кун муддатда вилоят ҳокимлиги, вилоят ҳокимлиги таркибий бўлинмалари тўғрисидаги Низомлар ҳамда вилоят ҳокими, унинг ўринбосарлари бошқарув аппарати ходимларининг функционал вазифалари тақсимотига ўрнатилган тартибда ўзгартиришлар киритилишини таъминласинлар.

5. Вилоят ҳокимлиги ишлар бошқарувчиси (С.Шамшиев) вилоят Молия бош бошқармаси (Д.Очилов), шаҳар ва туманлар ҳокимликлари билан биргаликда бир ҳафта муддатда вилоят, шаҳар ва туманлар ҳокимликлари бошқарув аппарати ходимларининг штатлар жадвалларини қонун ҳужжатларида белгиланган тартибда ушбу қарорга мувофиқ қайта кўриб чиқсин ҳамда ўрнатилган тартибда тасдиқланишини таъминласин.

6. Вилоят ҳокимининг 2017 йил 6 ноябрдаги “Ўзбекистон Республикаси Президентининг 2017 йил 3 ноябрдаги “Ўзбекистон Республикаси Президентининг “Маҳаллий ижроия ҳокимияти органлари фаолиятини янада такомиллаштириш тўғрисида” 2016 йил 22 декабрдаги ПҚ-2691-сон қарорига ўзгартириш ва қўшимчалар киритиш, шунингдек баъзи қарорларини ўз кучини йўқотган деб ҳисоблаш тўғрисида”ги ПҚ-3374-сонли қарорининг ижросини таъминлаш ҳақида”ги Қ-393-сон қарорининг 2-банди ўз кучини йўқотган деб ҳисоблансин.

7. Вилоят ҳокимининг 2016 йил 26 декабрдаги “Ўзбекистон Республикаси Президентининг 2016 йил 22 декабрдаги “Маҳаллий ижроия ҳокимияти органлари фаолиятини янада такомиллаштириш тўғрисида”ги ПҚ-2691-сонли қарори ижросини таъминлаш ҳақида”ги Қ-172-сонли қарорига иловага мувофиқ ўзгартириш ва қўшимчалар киритилсин.

8. Мазкур қарорнинг бажарилишини назорат қилишни ўз зиммамда қолдираман.


Вилоят ҳокими



К.Турсунов

2. 2-илованинг матни куйидаги тахрирда баён этилсин.

**Вилоят маркази - Навоий шаҳар ҳокимлиги бошқарув аппарати
ТУЗИЛМАСИ**



Бошқарув ходимларининг чекланган сони – 30 нафар

